

ԿՐԹՈՒԹՅՈՒՆ ԶԱՐԳԱՑՄԱՆ ԵՎ
ՆՈՐԱՐԱՐՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ

ԵՐԱԺՇՏՈՒԹՅՈՒՆ 2

ՈՒՍՈՒՄՆԱԿԱՆ ՆՅՈՒԹԵՐ ԱՇԱԿԵՐՏՆԵՐԻ ՀԱՄԱՐ

ՓՈՐՁԱԳԵՏ՝ ՏԱԹԵՎԻԿ ԱԲՐԱՀԱՄՅԱՆ

2021 Թ.



ԵՐԱԺՇՏՈՒԹՅՈՒՆ

Դու հավանաբար արդեն գիտես ի՞նչ է երաժշտությունը: Դու լսել ես տարբեր երգեր և տարբեր մեղեդիներ առանց խոսքերի:

Երաժշտությունը ստեղծվել է շատ վաղուց, երևի այն կա այնքան, որքան կա մարդկությունը աշխարհի վրա: Երաժշտությունը մեզ ուղեկցում է մեր կյանքի ամենավաղ շրջանից, մինչև կյանքի վերջ:

Այսիպսով՝ երաժշտությունը մեզ հետ է, կյանքի թե ուրախ, թե տխուր պահերին:

Երաժշտության պարզ ու մատչելի ժանրերը

Կան տարբեր երաժշտական ստեղծագործություններ, որոնք ամփոփված են «Երաժշտություն» անվան տակ, բայց այդ ստեղծագործությունները բաժանվում են երեք խմբի: Դրանք են՝



Երգ



Պար



Քայլերգ

Երգ



Երգը երաժշտության ամենապարզ տեսակն է: Երգը կատարվում է ձայնի միջոցով և ունենում է խոսքեր: Երգը սկսվում է նախանվագով ունի քառյակ և կրկներգ: Երևի դու ինքդ էլ ես սիրում երգել և շատ տարբեր երգեր գիտես:



Կոմիտաս
(Սողոմոն Սողոմոնյան)
1969-1935

Ծնվել է Թուրքիայի Քյոթահիա քաղաքում: Կոմիտասը համարվում են հայ երգի Մեսրոպ Մաշտոցը: Նա իր ողջ կյանքը նվիրաբերեց հայ երաժշտությանը, հայ երգի հավաքագրմանը և մշակմանը: Սողոմոնը երկկողմանի որբացավ մանուկ հասակում, մեկ տարեկանը չբոլորած կորցրեց մորը, ապա հորը, բայց ծնողներից ժառանգած երաժշտական ընդունակությունները, գեղեցիկ ձայնը օգնեցին նրան հետագայում հաղթահարել ամենատարբեր դժվարություններ:

Երգի տեսակները

Առաջին երգը, որ մարդն իր կյանքում լսում է, դա մայրիկի երգած օրորն է: Օրորը օրորել բառից է: Օրորները ունենում են մեղմ ու հանդարտ երաժշտություն և հենց այդ մեղմությունն էլ քուն է բերում երեխային:



Քայլերգ



Քայլերգը մեղեդի է, որը առաջացնում է քայլելու ցանկություն: Քայլերգի երաժշտությունը խրոխտ է, իսկ մտքում միշտ ուզում ես հաշվել մեկ, երկու, երեք չորս:

Քայլերգի տեսակները



Քայլերգի տեսակներն են՝ սպորտային, զինվորական, սգո, մանկական:
Քայլերգերը հնչում են տոնակատարությունների կամ շքերթների ժամանակ: Կան քայլերգեր, որոնք ուղեկցվում են երգով: Դրանք քայլերգային երգերն են կամ՝ երգ-քայլերգեր:

Երգին, պարին և քայլերգին կարող ենք հանդիպել օպերայում, բալետում և սիմֆոնիայում

Եթե ուշադիր ունկնդրեք օպերա, բալետ կամ սիմֆոնիա, կգգաք ,որ մեծաձավալ այս ստեղծագործություններում հաճախ հնչում են մեղեդիներ, որոնք մեզ հիշեցնում են երգ,պար կամ քայլերգ: Օրինակ՝ օպերային ներկայացման այն հատվածներում, որտեղ գործողության մեջ կան շքերթի տեսարան հնչում է քայլերգ: իսկ սիմֆոնիայում կարող է հնչել արդեն ծանոթ երգի մեղեդի:



Արամ Իլիչի Խաչատրյան

1903-1978

Ծնվել է Վրաստանի մայրաքաղաք Թիֆլիսում: Երաժշտության հանդեպ սեր է ունեցել դեռ վաղ մանկությունից, երբ մայրիկի կաթսայի կափարիչները օգտագործում էր որպես երաժշտական նվագարան, եռանդագին թխկթխկացնում և իրեն թվում էր, թե երաժշտություն է ստեղծում: Հայրը, նկատելով որդու մեծ սերը երաժշտության հանդեպ, մի կերպ գումար է տնտեսում և մի հնամաշ դաշնամուր գնում որդու համար: Ի՞նչ կիմանար նա, որ որդին դառնալու է մեծանուն կոմպոզիտոր և աշխարհի տարբեր բեմահարթակներից հնչեցնի հայկական երաժշտությունը:

Պար



Պարը մեղեդի է, որտեղ խոսքեր չկան: Այն կատարվում է երաժշտական նվագարանների միջոցով: Պարի մեղեդին ստեղծում է բարձր տրամադրություն և ստիպում մարդուն մարմնի գեղեցիկ շարժումների միջոցով արտահայտել իր ուրախ տրամադրությունը:

Պարի տեսակներ



Մենապար



Խմբապար



Պարերգ

Օպերա



Օպերան երաժշտական ներկայացում է, որտեղ դերակատարները միմյանց հետ խոսում են երգելով: Դերակատարների դերում հանդես են գալիս երգիչներն ու երգչուհիները: Օպերայի ներկայացմանը մասնակցում են նաև երգչախումբը, պարային խումբն ու նվագախումբը: Նվագախումբը տեղավորվում է բեմի տակ հատուկ կառուցված խորշում:



Ալեքսանդր Սպենդիարյան

1871-1928

Ծնվել է Ռուսաստանի Տիխվին քաղաքում: Սպենդիարյանը շատ էր սիրում ունկնդրել մայրիկի դաշնամուրի նվագը, և ինչպես հատագայում ինքն է ասում.

«Մորս նվագը իմ մեջ մեծ սեր արթնացրեց դեպի երաժշտությունը...»

Երևանում օպերայի և բալետի թատրոնի շենքը կրում է Ալեքսանդր Սպենդիարյանի անունը: Թատրոնի բակում կառուցված են Հովհաննես Թումանյանի և Ալեքսանդր Սպենդիարյանի արձանները, որովհետև նրանք միասին ստեղծել են «Ալմաստ» օպերան:



Բալետ



Բալետը պարային ներկայացում է, որտեղ դերակատարները խոսում և պատմություն են պատմում մարմնի նրբագեղ շարժումներով: Բալետում

դերակատարները պարողներն են, մասնակցում է նաև սիմֆոնիկ նվագախումբը, որը ինչպես օպերայում, տեղավորվում են բեմի տակ կառուցված փոսում: Բալետային պարուիները հագնում են հատուկ մաշիկներ, որոնք կոչվում են



պուանտներ

Սիմֆոնիկ նվագախումբը



երաժիշտների մի մեծ խումբ է, որտեղ բոլորը տարբեր նվագարաններով հնչեցնում են միևնույն երաժշտական ստեղծագործությունը:

Երաժշտական նվագարանները բաժանվում են խմբերի՝

լարային, փողային, հարվածային: Ընդհանուր առմամբ երաժիշտերի

թիվը տատանվում է 26- մինչև 120: Սիմֆոնիկ նվագախմբի ղեկավարը

դիրիժորն է, ով իր ձեռքի շարժումներով, դիմախաղի միջոցով և դիրիժորական փայտիկի օգնությամբ ղեկավարում է նվագախումբը: Նվագախմբի կատարման որակը կախված է դիրիժորից, առաջն դիրիժորի նվագախումբը չի կարողանա գոհացնել հանդիսատեսին իր կատարման որակով:



Սիմֆոնիա- Մեծածավալ ստեղծագործություն է գրված սիմֆոնիկ նվագախմբի համար: Բաղկացած է հիմնականում չորս մասից: Յուրաքանչյուր մաս կապված է մյուսի հետ, ծափահարել մասերի արանքում չի կարելի: Ստեղծագործությունը ավարտված է համարվում միայն չորրորդ մասից հետո:



Վոլֆգանգ Ամադեուս Մոցարտ

1756-1791

Մոցարտը ծնվել է Ավստրիայի Ջալցբուրգ քաղաքում: Նա հրաշամանուկ էր, ով նոտաները գրել սովորել է ավելի շուտ քան՝ տառերը: Մոցարտը երեք տարեկանից նվագել է ջութակ, դաշնամուր, իսկ չորս տարեկանում արդեն ստեղծագործել է: Ապրել է շատ կարճ կյանք, ընդամենը 35

տարի, սակայն այդ կարճ կյանքի ընթացքում մեծ թվով հրաշալի
ստեղծագործություններ է հորինել: Նա աշխարհի ամենասիրված և
ճանաչված կոմպոզիտորներից է:



Պյոտոր Իլիչ Չայկովսկի

1840-1893

Ծնվել է Ռուսաստանի Վոտկինս քաղաքում: 5 տարեկանում արեն կարողանում էր վարժ դաշնամուր նվագել: Ինչպես Արամ Խաչատրյանի ծնողների այնպես էլ՝ Չայկովսկու ծնողների մտքով չէր անցնում, որ իրենց որդին դառնալու է աշխարհի ամենաճանաչված կոմպոզիտորից մեկը:

-Այն, որ ես կյանքս նվիրեցի երաժշտությանը, պարտական եմ Մոցարտին: Նա ինձ ստիպեց աշխարհում ամենաշատը սիրել երաժշտությունը: Չայկովսկին ունի մանուկների համար գրած բազմաթիվ գեղեցիկ ստեղծագործություններ:



Լյուդվիգ վան Բեթհովեն

1770-1827

Ծնվել է Գերմանիայի Բոն քաղաքում: Բեթհովենի երաժիշտ հայրիկը երազում էր որդին դառնա նույնքան հայտնի,որքան Մոցարտն է և այդ պատճառով ստիպում էր որդուն օր ու գիշեր պարապել,նվագել:Հաճախ նույնիսկ գիշերներն էր նրան քնից արթնացնում և ստիպում պարապել,իսկ երբ շատ էր բարկանում հացից ու ջրից էր նաև զրկում:Նրան բաժին հասած դժվարին կյանքը՝ խլություն, հիվանդություններ, Բեթհովենը հաղթահարեց երաժշտության շնորհիվ:Բեթհովենը նույնիսկ խուլ ժամանակ չդադարեց ստեղծագործել,ավելին՝նրա լավագույն ստեղծագործություններից շատերը նա հորինեց հենց խուլ ժամանակ: